

**BOR BANKA D.D. SARAJEVO**

Finansijski izvještaji za godinu koja je završila  
31. decembra 2015. pripremljeni u skladu sa  
Međunarodnim standardima finansijskog izvještavanja  
i Izvještaj nezavisnog revizora

## Sadržaj

	<b>Stranica</b>
Odgovornost za finansijske izvještaje	1
Izvještaj nezavisnog revizora	2
Finansijski izvještaji:	
Bilans uspjeha	3
Izvještaj o sveobuhvatnoj dobiti	4
Bilans stanja	5
Izvještaj o novčanim tokovima	6
Izvještaj o promjenama na kapitalu	7
Napomene uz finansijske izvještaje	8 - 46

## Odgovornost za finansijske izvještaje

Uprava je dužna osigurati da za svaki finansijski period budu sastavljeni finansijski izvještaji u skladu s Međunarodnim standardima finansijskog izvještavanja (MSFI), koje je objavio Odbor za međunarodne računovodstvene standarde, koji pružaju istinit i fer pregled stanja u BOR Banka d.d. Sarajevo ("Banka"), kao i rezultate njenog poslovanja za taj period.

Nakon provedbe odgovarajuće analize, Uprava opravdano očekuje da će Banka u dogledno vrijeme raspolagati odgovarajućim resursima, te stoga i dalje usvaja načelo vremenske neograničenosti poslovanja pri sastavljanju finansijskih izvještaja.

Odgovornosti Uprave pri izradi finansijskih izvještaja obuhvataju slijedeće:

- odabir i dosljednu primjenu odgovarajućih računovodstvenih politika;
- davanje opravdanih i razboritih prosudbi i procjena;
- postupanje u skladu s važećim računovodstvenim standardima, uz objavljivanje i obrazloženje svih materijalno značajnih odstupanja u finansijskim izvještajima, te
- sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će Banka nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Banke. Također, Uprava je dužna pobrinuti se da finansijski izvještaji budu u skladu sa Zakonom o računovodstvu i reviziji u Federaciji Bosne i Hercegovine. Pored toga, Uprava je odgovorna za čuvanje imovine Banke, te za poduzimanje opravdanih koraka za sprječavanje i otkrivanje prevara i drugih nepravilnosti.

Za i u ime Uprave

Hamid Pršeš

Direktor




BOR Banka d.d.

Obala Kulina bana br. 18

71000 Sarajevo

Bosna i Hercegovina



10. februar 2016. godine

## Izveštaj nezavisnog revizora

### Dioničarima BOR Banke d.d. Sarajevo

Obavili smo reviziju priloženih finansijskih izvještaja BOR Banke d.d. Sarajevo (u daljem tekstu: "Banka"), prikazanih na stranicama 3. do 46., koji se sastoje od bilansa stanja na dan 31. decembar 2015. godine, kao i bilansa uspjeha, izvještaja o sveobuhvatnoj dobiti, izvještaja o promjenama na kapitalu i izvještaja o novčanim tokovima za godinu koja je tada završila, te sažetog prikaza značajnih računovodstvenih politika i drugih napomena uz finansijske izvještaje.

#### *Odgovornost Uprave za finansijske izvještaje*

Uprava je odgovorna za pripremanje i fer prezentovanje priloženih finansijskih izvještaja u skladu sa Međunarodnim standardima finansijskog izvještavanja, kao i za one interne kontrole koje Uprava smatra neophodnim za pripremanje finansijskih izvještaja koji ne sadrže materijalno značajne pogreške, bilo zbog prevare ili grešaka.

#### *Odgovornost revizora*

Naša je odgovornost izraziti nezavisno mišljenje o priloženim finansijskim izvještajima na temelju naše revizije. Reviziju smo obavili u skladu sa Međunarodnim standardima revizije. Navedeni standardi zahtijevaju da reviziju planiramo i obavimo na način da dobijemo razumno uvjerenje da finansijski izvještaji ne sadrže materijalno značajne pogreške.

Revizija uključuje provjeru dokaza, pomoću testiranja, koji potvrđuju iznose i druge informacije objavljene u finansijskim izvještajima. Odabir procedura zavisi od prosudbi revizora, uključujući ocjenu rizika da li finansijski izvještaji sadrže materijalno značajne pogreške, bilo zbog prevare ili grešaka. Za potrebe ocjene rizika, revizor vrši procjenu internih kontrola vezanih za pripremanje i fer prezentiranje finansijskih izvještaja, u svrhu određivanja revizorskih procedura u datim uvjetima, ali ne u svrhu davanja mišljenja u pogledu funkcionisanja internih kontrola Banke. Revizija također uključuje i procjenu primijenjenih računovodstvenih politika te ocjenu značajnih procjena Uprave, kao i ocjenu prikaza finansijskih izvještaja u cjelini.

Uvjereni smo da su revizorski dokazi koje smo prikupili dostatni i primjereni kao osnova za izražavanje našeg mišljenja.

#### *Mišljenje*

Po našem mišljenju, finansijski izvještaji prikazuju objektivno, u svim materijalno značajnim stavkama, finansijski položaj Banke na dan 31. decembra 2015. godine, kao i rezultate njenog poslovanja i novčane tokove za godinu koja je tada završila, u skladu s Međunarodnim standardima finansijskog izvještavanja.

#### **Deloitte d.o.o.**

Sead Bahtanović, direktor i ovlašten revizor




Sarajevo, Bosna i Hercegovina

10. februar 2016. godine



Mirza Bihorac, ovlašten revizor



Deloitte se odnosi na Deloitte Touche Tohmatsu Limited, pravno lice osnovano u skladu sa zakonom Ujedinjenog Kraljevstva Velike Britanije i Sjeverne Irske (izvorno "UK private company limited by guarantee"), i mrežu njegovih članova, od kojih je svaki zaseban i samostalan pravni subjekt. Molimo posjetite [www.deloitte.com/ba/about](http://www.deloitte.com/ba/about) za detaljni opis pravne strukture Deloitte Touche Tohmatsu Limited i njegovih firmi članica.



Bilans uspjeha  
za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

	Napomene	2015.	2014.
Kamata i slični prihodi	5	10.744	12.210
Rashodi od kamata	6	(3.183)	(3.870)
<b>Neto prihodi od kamata</b>		<b>7.561</b>	<b>8.340</b>
Prihodi od naknada i provizija	7	1.067	1.462
Rashodi od naknada i provizija		(288)	(258)
<b>Neto prihodi od naknada i provizija</b>		<b>799</b>	<b>1.204</b>
Ostali (gubici) / dobici, neto	8	(1.511)	253
Ostali poslovni prihodi		708	451
<b>Prihodi iz redovnog poslovanja</b>		<b>7.537</b>	<b>10.248</b>
Troškovi zaposlenih	9	(2.482)	(2.399)
Amortizacija	21	(672)	(706)
Ostali administrativni troškovi	10	(1.935)	(1.919)
<b>Operativni rashodi</b>		<b>(5.089)</b>	<b>(5.024)</b>
<b>DOBIT PRIJE UMANJENJA VRIJEDNOSTI, REZERVISANJA I POREZA NA DOBIT</b>		<b>2.448</b>	<b>5.224</b>
Umanjenja vrijednosti i rezervisanja	11	(47)	(4.735)
<b>DOBIT PRIJE OPOREZIVANJA</b>		<b>2.401</b>	<b>489</b>
Porez na dobit	12	(269)	(357)
<b>NETO DOBIT</b>		<b>2.132</b>	<b>132</b>
Zarada / (gubitak) po dionici – osnovna i razrijeđena (u KM)	13	<b>10,87</b>	<b>(1,30)</b>

Računovodstvene politike i napomene u nastavku čine sastavni dio ovih finansijskih izvještaja.

Izveštaj o sveobuhvatnoj dobiti  
za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

	Napomene	2015.	2014.
Neto dobit		2.132	132
<b>Ostali sveobuhvatni gubitak:</b>			
<i>Stavke koje neće biti naknadno reklasifikovane u bilans uspjeha:</i>			
Neto efekti revalorizacije nekretnina	21	(5.144)	-
<i>Stavke koje će biti naknadno reklasifikovane u bilans uspjeha kada budu zadovoljeni specifični uslovi:</i>			
Neto promjene u fer vrijednosti finansijske imovine raspoložive za prodaju	18	-	(154)
		<b>(5.144)</b>	<b>(154)</b>
<b>UKUPNO SVEOBUH VATNI GUBITAK</b>		<b>(3.012)</b>	<b>(22)</b>

Računovodstvene politike i napomene u nastavku čine sastavni dio ovih finansijskih izvještaja.

Bilans stanja  
na dan 31. decembar 2015. godine

(svi iznosi su iskazani u hiljadama KM, osim ukoliko nije drugačije naznačeno)

	Napomene	31. decembar 2015.	31. decembar 2014.
<b>IMOVINA</b>			
Novac i novčani ekvivalenti	14	30.950	11.990
Obavezna rezerva kod Centralne banke BiH	15	32.707	21.044
Plasmani kod banaka	16	9.990	18.473
Kreditni dati klijentima, neto	17	150.290	165.644
Finansijska imovina raspoloživa za prodaju	18	1.893	3.114
Finansijska imovina koja se drži do dospelosti	19	397	299
Ostala imovina i potraživanja, neto	20	198	143
Materijalna i nematerijalna imovina	21	13.151	18.706
<b>UKUPNO IMOVINA</b>		<b>239.576</b>	<b>239.413</b>
<b>OBAVEZE</b>			
Obaveze prema finansijskim institucijama	22	20.888	23.480
Obaveze prema Vladi FBiH	23	40.364	40.346
Obaveze prema klijentima	24	133.099	129.256
Rezervisanja	25	529	720
Ostale obaveze	26	75	243
<b>Ukupne obaveze</b>		<b>194.955</b>	<b>194.045</b>
<b>KAPITAL</b>			
Dionički kapital	27	31.366	29.166
Ostale rezerve		10	10
Regulatorne rezerve		1.465	1.465
Revalorizacione rezerve za nekretnine		7.200	12.502
Revalorizacione rezerve za ulaganja		-	(407)
Zadržana dobit		4.580	2.632
<b>Ukupni kapital</b>		<b>44.621</b>	<b>45.368</b>
<b>UKUPNO OBAVEZE I KAPITAL</b>		<b>239.576</b>	<b>239.413</b>

Računovodstvene politike i napomene u nastavku čine sastavni dio ovih finansijskih izvještaja.

Potpisali za i u ime Banke dana 10. februara 2016. godine.



Hamid Pršeš

Direktor




Aida Alić

Izvršni direktor za  
Računovodstvo i sredstva

Izveštaj o novčanim tokovima  
za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

	<u>2015.</u>	<u>2014.</u>
<b>Poslovne aktivnosti</b>		
Dobit prije oporezivanja	2.401	489
<i>Usklađenja:</i>		
Amortizacija	672	706
Umanjenja vrijednosti i rezervisanja	47	4.735
Nepovratni gubici od finansijske imovine raspoložive za prodaju	1.628	-
Gubitak od otuđenja opreme	-	4
Kursne razlike, neto	(117)	(253)
Prihodi od kamate priznati u bilansu uspjeha	(10.744)	(12.210)
Rashodi od kamate priznati u bilansu uspjeha	3.183	3.870
<i>Promjene u imovini i obavezama:</i>		
(Povećanje) / smanjenje obavezne rezerve kod Centralne banke BiH	(11.663)	410
Neto smanjenje plasmana kod drugih banaka	7.274	4.034
Neto smanjenje / (povećanje) datih kredita, prije rezervisanja	16.636	(9.362)
Neto smanjenje ostale imovine i potraživanja	33	23
Neto povećanje / (smanjenje) obaveza prema klijentima	3.843	(4.423)
Neto (smanjenje) / povećanje ostalih obaveza	(19)	41
	<u>13.174</u>	<u>(11.936)</u>
Plaćena kamata	(3.183)	(3.870)
Naplaćena kamata	10.768	11.959
Plaćeni porez na dobit	(506)	-
<b>NETO NOVAC OSTVAREN / (KORIŠTEN) U POSLOVNIM AKTIVNOSTIMA</b>	<b><u>20.253</u></b>	<b><u>(3.847)</u></b>
<b>Ulagačke aktivnosti</b>		
Prilivi od / (kupovina) finansijske imovine raspoložive za prodaju, neto	-	(298)
Nabavke materijalne i nematerijalne imovine	(261)	(425)
Prilivi od prodaje preuzetog kolaterala	-	51
Nabavke finansijske imovine koja se drži do dospeljeća	(98)	-
<b>NETO NOVAC KORIŠTEN U ULAGAČKIM AKTIVNOSTIMA</b>	<b><u>(359)</u></b>	<b><u>(672)</u></b>
<b>Finansijske aktivnosti</b>		
Dodatno uplaćeni kapital	2.200	-
(Otplata) / povećanje obaveza prema finansijskim institucijama, neto	(2.810)	709
Povećanje obaveza prema Vladi FBiH	18	399
Plaćene dividende	(342)	(699)
<b>NETO NOVAC (KORIŠTEN) / OSTVAREN U FINANSIJSKIM AKTIVNOSTIMA</b>	<b><u>(934)</u></b>	<b><u>409</u></b>
<b>NETO POVEĆANJE / (SMANJENJE) NOVCA I NOVČANIH EKVIVALENATA</b>	<b><u>18.960</u></b>	<b><u>(4.110)</u></b>
<b>NOVAC I NOVČANI EKVIVALENTI NA POČETKU GODINE</b>	<b><u>11.990</u></b>	<b><u>16.100</u></b>
<b>NOVAC I NOVČANI EKVIVALENTI NA KRAJU GODINE</b>	<b><u>30.950</u></b>	<b><u>11.990</u></b>

Računovodstvene politike i napomene u nastavku čine sastavni dio finansijskih izvještaja.



Izveštaj o promjenama na kapitalu  
za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

	Dionički kapital	Ostale rezerve	Regulatorne rezerve	Revalorizacijske rezerve za nekretnine	Revalorizacijske rezerve za ulaganja	Zadržana dobit	Ukupno
<b>Stanje na dan 31. decembra 2013.</b>	<b>29.166</b>	<b>10</b>	<b>1.465</b>	<b>12.660</b>	<b>(253)</b>	<b>3.041</b>	<b>46.089</b>
Neto dobit	-	-	-	-	-	132	132
Ostali sveobuhvatni gubitak	-	-	-	-	(154)	-	(154)
<i>Ukupni sveobuhvatni gubitak</i>	-	-	-	-	(154)	132	(22)
Prijenos sa / na	-	-	-	(158)	-	158	-
Raspodjela dividendi	-	-	-	-	-	(699)	(699)
<b>Stanje na dan 31. decembra 2014.</b>	<b>29.166</b>	<b>10</b>	<b>1.465</b>	<b>12.502</b>	<b>(407)</b>	<b>2.632</b>	<b>45.368</b>
Neto dobit	-	-	-	-	-	2.132	2.132
Ostali sveobuhvatni gubitak	-	-	-	(5.144)	-	-	(5.144)
<i>Ukupni sveobuhvatni gubitak</i>	-	-	-	(5.144)	-	2.132	(3.012)
VII emisija dionica	2.200	-	-	-	-	-	2.200
Prijenos sa / na	-	-	-	(158)	-	158	-
Raspodjela dividendi	-	-	-	-	-	(342)	(342)
Trajno umanjeње vrijednosti ulaganja (napomene 8. i 18.)	-	-	-	-	407	-	407
<b>Stanje na dan 31. decembra 2015.</b>	<b>31.366</b>	<b>10</b>	<b>1.465</b>	<b>7.200</b>	<b>-</b>	<b>4.580</b>	<b>44.621</b>

Računovodstvene politike i napomene u nastavku čine sastavni dio finansijskih izvještaja.

# Napomene uz finansijske izvještaje za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

## 1. OPĆI PODACI

BOR banka d.d. Sarajevo ("Banka") je upisana u registar kod Općinskog suda u Sarajevu, matični broj UF/II 2609/95 dana 27. decembra 1995. godine pod nazivom Banka za obnovu i razvoj Bosne i Hercegovine. Na osnovu sudske registracije broj UF/II-3730/00 od 9. januara 2007. godine, Banka je promijenila ime u BOR Banka d.d. Sarajevo.

Osnovne djelatnosti Banke su:

1. Primanje i plasiranje depozita,
2. Nabvka i prodaja vrijednosnica,
3. Primanje depozita po viđenju i oročenih depozita,
4. Davanje i uzimanje kredita,
5. Kupovina i prodaja stranih valuta,
6. Novčane transakcije na međubankarskom tržištu,
7. Platni promet u zemlji i inozemstvu, i
8. Kartično poslovanje.

Banka smatra da posluje kroz jedan poslovni i geografski segment, a to je pružanje bankarskih usluga u Bosni i Hercegovini.

Registrovana adresa Banke je Obala Kulina bana 18, 71000 Sarajevo. Na dan 31. decembar 2015. godine Banka je imala 64 zaposlenika (31. decembar 2014.: 64 zaposlenika).

### Nadzorni odbor

#### *Do 25. marta 2015.*

Aziz Šunje	Predsjednik
Ademir Abdić	Član
Hasan Đozo	Član
Hasen Mašović	Član
Hajrudin Hadžimehanović	Član

#### *Od 23. juna 2015.*

Aziz Šunje	Predsjednik
Ademir Abdić	Član
Hasan Đozo	Član
Džejna Bajramović	Član
Alen Gradašćević	Član

### Uprava

#### *Do 8. septembra 2015.*

Hamid Pršeš	Direktor
Muhamed Šehbajraktarević	Izvršni direktor pravnih, kadrovskih i opštih poslova
Enisa Hulusić	Izvršni direktor za računovodstvo, analize i IT
Bedina Jusičić Musa	Izvršni direktor sektora upravljanja rizicima
Adela Zorlak	Izvršni direktor prodaje stanovništvu

#### *Od 26. novembra 2015.*

Hamid Pršeš	Direktor
Muhamed Šehbajraktarević	Izvršni direktor sektora podrške
Bedina Jusičić Musa	Izvršni direktor sektora upravljanja rizicima
Aida Alić	Izvršni direktor za računovodstvo i sredstva
Edin Kreštalica	Izvršni direktor sektora prodaje

### Odbor za reviziju

#### *Do 12. aprila 2015.*

Tihomir Ćurak	Predsjednik
Senad Herenda	Član
Elma Oković - Badnjević	Član
Senaid Zajimović	Član
Denis Lasić	Član

#### *Od 7. jula 2015.*

Muhamed Hubanić	Predsjednik
Tayyar Ozerdem	Član
Tarik Karić	Član
Senaid Zajimović	Član
Dragan Prusina	Član



## Napomene uz finansijske izvještaje za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

---

### 2. USVAJANJE NOVIH I REVIDIRANIH STANDARDARDA

#### 2.1 Standardi i tumačenja na snazi u tekućem periodu

Sljedeće izmjene postojećih standarda, izdatih od Odbora za međunarodne računovodstvene standarde bili su na snazi za tekući period:

- Izmjene MRS 19: "Primanja zaposlenika" – Definirani planovi primanja zaposlenika: doprinosi zaposlenika (na snazi za godišnje periode koji počinju na ili nakon 1. jula 2014.);
- Izmjene različitih standarda i tumačenja "Poboljšanja MSFI-a (ciklus 2010.-2012.)" koja su rezultat projekta godišnjeg kvalitativnog poboljšanja MSFI (MSFI 2, MSFI 3, MSFI 8, MSFI 13, MRS 16, MRS 24 i MRS 38) prvenstveno kroz otklanjanje nekonzistentnosti i raščišćavanje teksta (izmjene će biti na snazi za godišnje periode koji počinju na ili nakon 1. jula 2014.);
- Izmjene različitih standarda i tumačenja "Poboljšanja MSFI-a (ciklus 2011.-2013.)" koja su rezultat projekta godišnjeg kvalitativnog poboljšanja MSFI (MSFI 1, MSFI 3, MSFI 13 i MRS 40) prvenstveno kroz otklanjanje nekonzistentnosti i raščišćavanje teksta (izmjene će biti na snazi za godišnje periode koji počinju na ili nakon 1. jula 2014.).

Usvajanje spomenutih izmjena postojećih standarda i tumačenja nije vodilo nikakvoj promjeni računovodstvenih politika Banke.

#### 2.2 Standardi i tumačenja koji su objavljeni a nisu još usvojeni

Na dan izdavanja ovih finansijskih izvještaja, sljedeći standardi, izmjene postojećih standarda i tumačenja su objavljeni, ali nisu još na snazi:

- MSFI 9 (2014): „Financijski instrumenti“ (na snazi za godišnje periode koji počinju na ili nakon 1. januara 2018.);
- MSFI 14: „Razgraničavanje zakonskih i propisanih dažbina“ (na snazi za godišnje periode koji počinju na ili nakon 1. januara 2016.);
- MSFI 15: „Prihodi iz ugovora s kupcima“ (na snazi za godišnje periode koji počinju na ili nakon 1. januara 2018.);
- MSFI 16: „Najmovi“ (na snazi za godišnje periode koji počinju na ili nakon 1. januara 2019.);
- Izmjene MSFI 10: „Konsolidirana finansijska izvješća“ i MRS 28: „Ulaganja u pridružena društva i zajedničke poduhvate“ – Prodaja ili kompenzacija imovine između investitora i njegovog pridruženog društva ili zajedničkog poduhvata (stupanje na snagu odgođeno na neodređeni period);
- Izmjene MRS 1: „Prezentacija finansijskih izvješća“ – Inicijativa za objavljivanje (na snazi za godišnje periode koji počinju na ili nakon 1. januara 2016.);
- Izmjene MSFI 11: „Zajednički aranžmani“ - Računovodstveni tretman sticanja udjela u zajedničkim operacijama (na snazi za godišnje periode koji počinju na ili nakon 1. januara 2016.);
- Izmjene MRS 16: "Nekretnine, postrojenja i oprema" i MRS 38: "Nematerijalna imovina" – Objašnjenje o prihvatljivim metodama amortizacije (na snazi za godišnje periode koji počinju na ili nakon 1. januara 2016.);
- Izmjene MRS 16: "Nekretnine, postrojenja i oprema" i MRS 41: "Poljoprivreda" – Poljoprivreda: Plodonosne plantaže (na snazi za godišnje periode koji počinju na ili nakon 1. januara 2016.);
- Izmjene MRS 27: "Odvojeni finansijski izvještaji" – Metoda udjela u odvojenim finansijskim izvještajima (na snazi za godišnje periode koji počinju na ili nakon 1. januara 2016.);
- Izmjene MRS 7: „Izvjeshće o novčanim tijekovima“ – Inicijativa za objavljivanje (na snazi za godišnje periode koji počinju na ili nakon 1. januara 2017.);

## Napomene uz finansijske izvještaje za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

---

### 2. USVAJANJE NOVIH I REVIDIRANIH STANDARDA (NASTAVAK)

#### 2.2 Standardi i tumačenja koji su objavljeni a nisu još usvojeni (nastavak)

- Izmjene MRS 12: „Porez na dobit“ – Priznavanje odgođene porezne imovine od nerealiziranih gubitaka (na snazi za godišnje periode koji počinju na ili nakon 1. januara 2017.);
- Izmjene MSFI 10: „Konsolidirana finansijska izvješća“, MSFI 12: „Objavljivanja udjela u drugim subjektima“ i MRS 28: „Udjeli u pridruženim subjektima i zajedničkim pothvatima“ – Investicioni subjekti: Primjena izuzeća od konsolidacije (na snazi za godišnje periode koji počinju na ili nakon 1. januara 2016.);
- Izmjene različitih standarda i tumačenja „Poboljšanja MSFI-a (ciklus 2012.-2014.)“ koja su rezultat projekta godišnjeg kvalitativnog poboljšanja MSFI (MSFI 5, MSFI 7, MRS 19 i MRS 34) prvenstveno kroz otklanjanje nekonzistentnosti i raščišćavanje teksta (izmjene će biti na snazi za godišnje periode koji počinju na ili nakon 1. januara 2016.).

Banka je izabrala da ne usvoji ove standarde, izmjene i tumačenja prije nego oni stupe na snagu. Banka predviđa da usvajanje ovih standarda, izmjena i tumačenja neće imati materijalan utjecaj na finansijske izvještaje Banke u periodu inicijalne primjene, osim za MSFI 9. Uprava trenutno analizira uticaj MSFI 9 na finansijske izvještaje Banke.

### 3. TEMELJ ZA PREZENTIRANJE I SAŽETAK RAČUNOVODSTVENIH POLITIKA

#### Izjava o usklađenosti

Ovi finansijski izvještaji pripremljeni su u skladu sa Međunarodnim standardima finansijskog izvještavanja ('MSFI') koji su objavljeni od strane Odbora za međunarodne računovodstvene standarde.

#### Vremenska neograničenost poslovanja

Finansijski izvještaji su sačinjeni pod pretpostavkom vremenske neograničenosti poslovanja što podrazumijeva da će Banka biti sposobna realizovati potraživanja i podmiriti obaveze u normalnom toku poslovanja.

#### Osnova prezentiranja

Ovi finansijski izvještaji pripremljeni su po načelu historijskog troška, osim za određene nekretnine i finansijske instrumente koji se mjere po revalorizovanim iznosima ili po fer vrijednostima na kraju svakog izvještajnog perioda.

Historijski trošak se uglavnom temelji na fer vrijednosti naknade date u zamjenu za imovinu.

Fer vrijednost je cijena koja bi se dobila za prodaju ili bi bila plaćena za prijenos obaveza u redovnoj transakciji između učesnika na tržištu na datum mjerenja, bez obzira na to je li ta cijena direktno uočljiva ili procijenjena koristeći drugu tehniku procjene vrijednosti. U procjeni fer vrijednosti imovine ili obaveza, Banka uzima u obzir karakteristike imovine ili obaveza kada bi učesnici na tržištu uzeli u obzir ove karakteristike kod određivanja cijene imovine ili obaveza na datum mjerenja. Fer vrijednost za mjerenje i/ili za svrhu objavljivanja u ovim finansijskim izvještajima je određena na takvoj osnovi, osim za mjerenja koja imaju neke sličnosti u fer vrijednosti, ali nisu fer vrijednosti, kao što su neto utrživa vrijednost prema MRS 2 ili vrijednost u upotrebi prema MRS 36.

Osim toga za potrebe finansijskog izvještavanja, pokazatelji fer vrijednosti su podijeljeni na nivoe 1, 2 ili 3 na temelju stepena do kojeg je vrednovanje fer vrijednosti moguće posmatrati i prema značaju vrednovanja fer vrijednosti u cijelosti, kako slijedi:



## Napomene uz finansijske izvještaje za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

### 3. TEMELJ ZA PREZENTIRANJE I SAŽETAK RAČUNOVODSTVENIH POLITIKA (NASTAVAK)

#### Osnova prezentiranja (nastavak)

- Nivo 1 ulazni podaci su kotirane cijene (nekorigovane) na aktivnim tržištima za identičnu imovinu ili obaveze kojima Banka može pristupiti na datum mjerenja; pokazatelji fer vrijednosti su izvedeni iz cijena koje kotiraju na aktivnim tržištima;
- Nivo 2 ulazni podaci, osim onih kotiranih cijena koje su uključene u Nivo 1, koji su uočljivi za imovinu ili obaveze, bilo direktno ili indirektno; i
- Nivo 3 ulazni podaci su neuočljivi ulazni podaci za imovinu ili obaveze.

Finansijski izvještaji prezentirani su u konvertibilnim markama (KM), obzirom da je to valuta u kojoj je iskazana većina poslovnih događaja Banke. Konvertibilna marka je fiksno vezana za euro (1 EUR = 1,95583 KM).

Sastavljanje finansijskih izvještaja u skladu sa MSFI zahtijeva od Uprave da daje procjene i pretpostavke koje utiču na iskazane iznose imovine i obaveza te objavu potencijalne imovine i obaveza na datum finansijskih izvještaja i na iskazane prihode i rashode tokom izvještajnog perioda. Procjene se temelje na informacijama koje su bile dostupne na datum izvještajnog perioda i stvarni rezultati se mogu razlikovati od tih procjena.

Procjene i povezane pretpostavke redovno se pregledavaju. Promjene računovodstvenih procjena priznaju se u periodu u kojem su procjene promijenjene, te eventualno budućim periodima, ako utiču i na njih.

Informacije o područjima sa značajnom neizvjesnošću u procjenama i kritičnim prosudbama u primjeni računovodstvenih politika, koje imaju najznačajniji uticaj na iznose objavljene u ovim finansijskim izvještajima objavljene su u Napomeni 4.

#### Prihodi i rashodi od kamata

Prihodi i rashodi od kamata priznaju se u bilansu uspjeha za obračunski period na koji se odnosi metodom efektivne kamatne stope. Efektivna kamatna stopa je stopa koja diskontuje procijenjene buduće novčane tokove (uključujući sve naknade na plaćene i primljene stavke koje su sastavni dio efektivne kamatne stope, troškova transakcija i ostalih premija ili popusta) tokom očekivanog trajanja finansijske imovine / obaveza ili, gdje je to prikladno, tokom kraćeg perioda.

#### Prihodi i rashodi od naknada i provizija

Naknade i provizije sastoje se uglavnom od provizija u domaćem i inostranom platnom prometu, te naknada za odobrenje kredita i drugih kreditnih instrumenata Banke.

Provizije od platnog prometa priznaju se u periodu u kojem su usluge pružene.

#### Troškovi naknada za zaposlene

U ime svojih zaposlenika, Banka plaća porez na dohodak, kao i doprinose za penziono, invalidsko, zdravstveno i osiguranje od nezaposlenosti, na i iz plata, koji su obračunavaju po zakonskim stopama tokom godine na bruto platu. Banka plaća navedeni porez i doprinose u korist institucija Federacije Bosne i Hercegovine, na federalnom i kantonalnom nivou. Nadalje, topli obrok, prevoz na i sa posla i regres su plaćeni u skladu sa domaćim zakonskim propisima. Ovi troškovi su prikazani u bilansu uspjeha u periodu u kojem su nastali troškovi plata.

## Napomene uz finansijske izvještaje za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

---

### 3. TEMELJ ZA PREZENTIRANJE I SAŽETAK RAČUNOVODSTVENIH POLITIKA (NASTAVAK)

#### Troškovi naknada za zaposlene (nastavak)

##### *Otpremnine prilikom odlaska u penziju*

Banka isplaćuje otpremnine prilikom odlaska u penziju u visini od 6 prosječnih neto plata zaposlenog ili 6 prosječnih plata u Federaciji Bosne i Hercegovine, prema posljednjim podacima objavljenim iz Federalnog Zavoda za statistiku, zavisno o tome šta je povoljnije za zaposlenog.

Banka knjiži troškove otpremnina za odlazak u penziju u trenutku njihovog dospijeca, na osnovu aktuarske kalkulacije.

#### Oporezivanje

Poreski rashod s temelja poreza na dobit jest zbirni iznos tekuće poreske obaveze i odgođenih poreza.

##### *Tekući porez na dobit*

Tekuća poreska obaveza temelji se na oporezivoj dobiti za godinu. Oporeziva dobit razlikuje se od neto dobiti perioda iskazanoj u bilansu uspjeha jer isključuje stavke prihoda i rashoda koje su oporezive ili neoporezive u drugim godinama, kao i stavke koje nikada nisu oporezive ni odbitne. Tekuća poreska obaveza Banke izračunava se primjenom poreskih stopa koje su na snazi, odnosno u postupku donošenja na datum izvještajnog perioda.

##### *Odgođeni porez na dobit*

Odgođeni porez jest iznos za koji se očekuje da će po njemu nastati obaveza ili povrat temeljem razlike između knjigovodstvene vrijednosti imovine i obaveza u finansijskim izvještajima i pripadajuće poreske osnovice koja se koristi za izračunavanje oporezive dobiti a obračunava se metodom bilansne obaveze. Odgođene poreske obaveze općenito se priznaju za sve oporezive privremene razlike, a odgođena poreska imovina se priznaje u onoj mjeri u kojoj je vjerovatno da će biti raspoloživa oporeziva dobit na temelju koje je moguće iskoristiti privremene razlike koje se odbijaju.

Knjigovodstveni iznos odgođene poreske imovine procjenjuje se na svaki datum izvještajnog perioda i umanjuje u onoj mjeri u kojoj više nije vjerovatno da će biti raspoloživ dostatan iznos oporezive dobiti za povrat cijelog ili dijela iznosa poreske imovine. Odgođeni porez obračunava se po poreskim stopama za koje se očekuje da će biti u primjeni u periodu u kojem će doći do podmirenja obaveze ili realizacije sredstva. Odgođeni porez knjiži se na teret ili u korist bilansa uspjeha, osim ako se odnosi na stavke koje se knjiže direktno u korist ili na teret glavnice, u kojem slučaju se i odgođeni porez također iskazuje u okviru glavnice.

Odgođena poreska imovina i obaveze se prebijaju ako se odnose na poreze na dobit koje je nametnula ista poreska vlast i ako Banka namjerava podmiriti svoju tekuću poresku imovinu i obaveze na neto osnovi.

#### Novac i novčani ekvivalenti

Za potrebe izvještavanja o novčanim tokovima, novac i novčani ekvivalenti obuhvataju sredstva kod Centralne banke Bosne i Hercegovine ("CBBH"), stanja na žiro računima kod drugih banaka i novac u blagajnama.

Novac i novčani ekvivalenti isključuju obaveznu minimalnu rezervu kod CBBH, budući da sredstva obavezne rezerve nisu na raspolaganju Banci u njenom svakodnevnom poslovanju. Obavezna minimalna rezerva kod CBBH je iznos koji su obavezne izdvajati sve poslovne banke koje imaju dozvolu za rad u Bosni i Hercegovini.



Napomene uz finansijske izvještaje  
za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

---

### 3. TEMELJ ZA PREZENTIRANJE I SAŽETAK RAČUNOVODSTVENIH POLITIKA (NASTAVAK)

#### Finansijski instrumenti

Finansijska imovina i finansijske obaveze se priznaju kada Banka postane ugovorna strana u ugovoru vezanom za finansijski instrument.

Finansijska imovina i obaveze inicijalno se priznaju po fer vrijednosti. Transakcijski troškovi koji su direktno pripisivi sticanju finansijske imovine, odnosno nastanku finansijske obaveze (izuzev finansijske imovine i finansijskih obaveza po fer vrijednosti kroz bilans uspjeha), dodaju se, odnosno oduzimaju, od fer vrijednosti finansijske imovine, odnosno finansijskih obaveza, pri početnom priznavanju. Transakcijski troškovi koji su direktno pripisivi sticanju finansijske imovine i finansijskih obaveza po fer vrijednosti kroz bilans uspjeha odmah se priznaju u bilansu uspjeha.

#### a) Finansijska imovina

Finansijska imovina se priznaje, odnosno prestaje priznavati na datum trgovanja kad je kupoprodaja imovine definirana ugovorenim datumom isporuke finansijske imovine u rokovima utvrđenima u skladu konvencijama na predmetnom tržištu.

Finansijska imovina je klasifikovana u sljedeće kategorije: "po fer vrijednost kroz bilans uspjeha", "raspoloživa za prodaju", "koja se drži do dospijeha" i "kredit i potraživanja".

Klasifikacija finansijske imovine ovisi o prirodi i svrsi finansijske imovine i određena je u trenutku inicijalnog prepoznavanja. Banka trenutno ne posjeduje finansijsku imovinu po fer vrijednost kroz bilans uspjeha.

#### **Metod efektivne kamatne stope**

Metod efektivne kamatne stope je metod izračuna amortiziranog troška finansijske imovine i raspoređivanja prihoda od kamata tokom određenog perioda. Efektivna kamatna stopa je kamatna stopa koja tačno diskontira procijenjena buduća novčana plaćanja ili primitke (uključujući sve naknade za plaćene i primljene stavke koje čine integralni dio efektivne kamatne stope, troškova transakcije i ostalih premija ili popusta) kroz očekivani vijek trajanja finansijskog instrumenta ili, gdje je to moguće, kraćeg perioda.

Finansijski instrumenti koji su "u posjedu do dospijeha" i "kredit i potraživanja" priznaju prihod na temelju efektivne kamatne stope.

#### **Kredit i potraživanja**

Kredit i ostala potraživanja s fiksnim ili odredivim plaćanjima koja ne kotiraju na aktivnom tržištu klasifikuju se kao "kredit i potraživanja". Isti nastaju kad Banka daje novac dužniku bez namjere istovremene prodaje tih potraživanja ili prodaje u bliskoj budućnosti.

Kredit i potraživanja početno se priznaju po fer vrijednosti uvećani za inkrementalne troškove. Nakon početnog priznavanja, kredit i potraživanja se vrednuju po amortizovanom trošku koristeći metodu efektivne kamate, umanjeni za eventualno umanjenje vrijednosti. Prihod od kamate se priznaje primjenom efektivne kamatne stope, osim za kratkoročna potraživanja kada bi priznavanje kamate bilo nematerijalno.

#### **Finansijska imovina u posjedu do dospijeha**

Državne obaveznice sa fiksnim ili odredivim plaćanjima i fiksnim rokom dospijeha, za koje Banka ima pozitivnu namjeru i mogućnost da ih čuva do dospijeha, klasifikuju se kao imovina u posjedu do dospijeha. Knjiže se i po trošku amortizacije koristeći metodu efektivne kamatne stope, umanjenom za umanjenje vrijednosti, sa prihodom koji se priznaje na bazi efektivnog prihoda.



## Napomene uz finansijske izvještaje za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

---

### 3. TEMELJ ZA PREZENTIRANJE I SAŽETAK RAČUNOVODSTVENIH POLITIKA (NASTAVAK)

#### Finansijski instrumenti (nastavak)

##### a) Finansijska imovina (nastavak)

###### *Finansijska imovina raspoloživa za prodaju*

Dionice koje drži Banka i kojima se trguje na aktivnom tržištu klasifikuju se kao "raspoloživa za prodaju" i vode po fer vrijednosti. Fer vrijednost se određuje na način spomenut u Napomeni 32. Dobit i gubitak koji nastaju zbog promjena u fer vrijednosti se priznaju direktno kao kapital, tj. revalorizacione rezerve sa izuzetkom gubitaka po umanjenju vrijednosti, kamata obračunatih po metodu efektivne kamatne stope, i dobiti i gubitaka po osnovu kursnih razlika na monetarnim sredstvima, koji se priznaju kao direktna dobit ili gubitak. U slučaju otpisa sredstva ili kad je sredstvo pretrpjelo umanjenje vrijednosti, kumulativna dobit ili gubitak koja je prethodno bila priznata kao revalorizaciona rezerva se uključuje u bilans uspjeha perioda.

Dividende po vlasničkim instrumentima klasifikovanim kao "raspoloživi za prodaju" se priznaju kao dobit ili gubitak kada Banka uspostavi pravo da primi dividendu.

###### *Umanjenje vrijednosti finansijske imovine*

Finansijska imovina se procjenjuje sa ciljem identifikacije indikatora umanjenja vrijednosti na svaki datum izvještajnog perioda. Finansijska imovina je pretrpjela umanjenje vrijednosti tamo gdje je dokazano da, kao rezultat jednog ili više događaja koji su se desili nakon početnog priznanja finansijske imovine, procijenjeni budući novčani tokovi investicije su izmijenjeni.

Objektivni dokaz umanjenja može uključiti:

- značajnu finansijske teškoće strane pod ugovorom; ili
- kašnjenje ili propust u plaćanju kamata ili glavnice; ili
- kada postane vjerovatno da će dužnik otići pod stečaj ili finansijsku reorganizaciju.

Pojedinačno značajna finansijska imovina provjerava se zbog umanjenja vrijednosti na pojedinačnoj osnovi. Preostala finansijska imovina provjerava se na grupnoj osnovi. Pojedinačno značajna finansijska imovina za koju nije prepoznato umanjenje vrijednosti uključuje se u osnovicu za provjeru umanjenja vrijednosti na grupnoj osnovi. U svrhu grupne procjene umanjenja vrijednosti, finansijska imovina grupiše se na osnovu sličnih karakteristika kreditnog rizika.

Za finansijsku imovinu iskazanu po amortizovanom trošku, iznos umanjenja je razlika između knjigovodstvene vrijednosti imovine i sadašnje vrijednosti procijenjenih budućih novčanih tokova, diskontovanih po originalnoj efektivnoj kamatnoj stopi finansijske imovine.

Knjigovodstvena vrijednost finansijske imovine po amortizovanom trošku se umanjuje upotrebom konta ispravke vrijednosti. Kada je potraživanje nenaplativo, otpisuje se preko konta ispravke vrijednosti. Naknadne naplate ranije otpisanih iznosa se knjiže na teret konta ispravke vrijednosti. Promjene u knjigovodstvenoj vrijednosti konta ispravke vrijednosti se priznaju u bilansu uspjeha.

Sa izuzetkom vlasničkih instrumenta "raspoloživih za prodaju", ako se u sljedećem periodu iznos gubitka od umanjenja smanji i smanjenje se objektivno može povezati sa događajem koji je nastao nakon priznavanja umanjenja vrijednosti, prethodno priznati gubitak od umanjenja vrijednosti se ispravlja kroz izvještaj o ostaloj sveobuhvatnoj dobiti u mjeri koja neće rezultirati knjigovodstvenim iznosom većim nego što bi bio amortizirani trošak da nije došlo do priznavanja umanjenja vrijednosti na datum kada je umanjenje vrijednosti priznato.



Napomene uz finansijske izvještaje  
za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

---

### 3. TEMELJ ZA PREZENTIRANJE I SAŽETAK RAČUNOVODSTVENIH POLITIKA (NASTAVAK)

#### Finansijski instrumenti (nastavak)

##### a) Finansijska imovina (nastavak)

###### *Umanjenje vrijednosti finansijske imovine (nastavak)*

U vezi sa vlasničkim instrumentima "raspoloživim za prodaju", svako sljedeće povećanje u fer vrijednosti nakon priznavanja gubitaka od umanjenja se priznaje direktno u kapital.

###### *Prestanak priznavanja finansijske imovine*

Banka prestaje priznavati finansijsku imovinu samo kada ugovorna prava na novčane tokove od finansijske imovine isteknu; ili ako prenese finansijsku imovinu, pa samim tim i sve rizike i nagrade od vlasništva sredstva na drugi subjekt. Ako Banka ne prenese i zadrži suštinski sve rizike i povrate od vlasništva, i zadrži kontrolu nad finansijskom imovinom, Banka nastavlja da priznaje finansijsku imovinu.

##### b) Finansijske obaveze i vlasnički instrumenti izdati od Banke

###### *Klasifikacija kao finansijska obaveza ili kapital*

Dužnički ili vlasnički instrumenti su klasifikovani ili kao finansijske obaveze ili kao kapital u skladu sa suštinom ugovornog angažmana.

###### *Vlasnički instrumenti*

Vlasnički instrument je bilo koji ugovor koji dokazuje pravo na preostali iznos udjela u imovini subjekta nakon odbijanja svih njegovih obaveza. Vlasnički instrumenti koje je Banka izdala knjiže se u iznosu primljenih sredstava, umanjениh za troškove izdavanja.

###### *Obaveze za ugovore o finansijskoj garanciji*

Obaveze za ugovore o finansijskoj garanciji su inicijalno mjerene po fer vrijednosti i naknadno su mjerene po većem od:

- iznosa obaveze u ugovoru, kako je utvrđeno u skladu sa MRS 37 "Rezervisanja, potencijalne obaveze i potencijalna imovina"; ili
- iznosa inicijalno priznatog i, gdje je to odgovarajuće, umanjenog za kumulativnu amortizaciju priznatu u skladu sa politikama priznavanja prihoda koji su gore utvrđeni.

###### *Finansijske obaveze*

Finansijske obaveze su klasifikovane kao finansijske obaveze "iskazane po fer-vrijednosti kroz bilans uspjeha" ili kao "ostale finansijske obaveze".

###### *Ostale finansijske obaveze*

Ostale finansijske obaveze, uključujući obaveze prema bankama, klijentima i subordinirani dug, se početno priznaju po fer vrijednosti, umanjenoj za transakcijske troškove.

Ostale finansijske obaveze su naknadno mjerene po amortiziranom trošku koristeći metodu efektivne kamatne stope.

Metoda efektivne kamate je metoda izračunavanja troškova amortizacije finansijske obaveze i određivanja troška kamate za relevantni period. Efektivna kamatna stopa je stopa koja tačno diskontuje procijenjena buduća plaćanja u gotovini kroz očekivani period trajanja finansijske obaveze, ili, gdje je to moguće, u kraćem periodu.

Napomene uz finansijske izvještaje  
za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

**3. TEMELJ ZA PREZENTIRANJE I SAŽETAK RAČUNOVODSTVENIH POLITIKA (NASTAVAK)**

**Finansijski instrumenti (nastavak)**

**b) Finansijske obaveze i vlasnički instrumenti izdati od Banke (nastavak)**

***Finansijske obaveze (nastavak)***

*Prestanak priznavanja finansijske obaveze*

Banka prestaje priznavati finansijsku obavezu onda, i samo onda, kada su obaveze Banke otpuštene, otkazane ili ističu.

**Nekretnine i oprema**

Nekretnine su u bilansu stanja iskazane po revalorizovanoj vrijednosti, koja predstavlja fer vrijednost na dan revalorizacije, umanjenoj za naknadnu ispravku vrijednosti i naknadne akumulirane gubitke od umanjenja vrijednosti. Revalorizacija se vrši u određenim vremenskim razmacima s ciljem da se knjigovodstvena vrijednost materijalno ne razlikuje od one vrijednosti koja bi bila utvrđena korištenjem fer vrijednosti na kraju izvještajnog perioda.

Revalorizacioni višak proistekao iz revalorizacije nekretnine priznaje se u ostaloj sveobuhvatnoj dobiti, osim za iznos revalorizacionog gubitka na istoj nekretnini priznatog u bilansu uspjeha u prethodnom periodu, u kojem slučaju se priznaje dobit u bilansu uspjeha u visini prethodno priznatog gubitka. Smanjenje knjigovodstvene vrijednosti proisteklo iz revalorizacije nekretnine priznaje se u visini prekoračenja iznosa pozitivnih revalorizacionih rezervi, ukoliko ga ima, a vezano za prethodne revalorizacije iste nekretnine.

Oprema se početno iskazuje po trošku nabavke umanjenom za ispravku vrijednosti i akumulirane gubitke od umanjenja vrijednosti, ako postoje. Trošak nabavke obuhvata nabavnu cijenu i sve troškove direktno povezane s dovođenjem sredstva u radno stanje za namjeravanu upotrebu.

Imovina u izgradnji, koje se gradi u administrativne svrhe, iskazane su po trošku nabavke umanjenom za eventualne gubitke od umanjenja. Trošak nabavke uključuje i profesionalne naknade. Takva imovina se reklasifikuje na odgovarajuće kategorije nekretnina i opreme nakon što je dovršena i spremna za namjeravanu upotrebu.

Dobici i gubici temeljem rashodovanja ili otuđenja dugotrajne materijalne imovine iskazuju se u bilansu uspjeha u periodu u kojem su nastali.

Obračun amortizacije započinje u trenutku u kojem je sredstvo spremno za namjeravanu upotrebu. Amortizacija se obračunava linearnom metodom na temelju procijenjenog vijeka upotrebe sredstva. Procijenjene stope amortizacije bile su kao što slijedi:

	2015.	2014.
Građevinski objekti	1,3%	1,3%
Računari	33,30%	33.30%
Vozila	15.5%	15.5%
Namještaj i ostala uredska oprema	10% - 20%	10% - 20%

***Umanjenje vrijednosti***

Na svaki datum izvještajnog perioda Banka preispituje knjigovodstvene iznose svojih nekretnina i opreme da bi utvrdila postoje li naznake da je došlo do gubitaka uslijed umanjenja vrijednosti navedene imovine. Ako postoje takve naznake, procjenjuje se nadoknadiivi iznos sredstva da bi se mogao utvrditi eventualni gubitak nastao umanjenjem.



## Napomene uz finansijske izvještaje za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

### 3. TEMELJ ZA PREZENTIRANJE I SAŽETAK RAČUNOVODSTVENIH POLITIKA (NASTAVAK)

#### Nekretnine i oprema (nastavak)

##### *Umanjenje vrijednosti (nastavak)*

Nadoknadiva vrijednost je neto prodajna cijena ili vrijednost u upotrebi, zavisno o tome koja je viša. Za potrebe procjene vrijednosti u upotrebi, procijenjeni budući novčani tokovi diskontiraju se do sadašnje vrijednosti primjenom diskontne stope prije oporezivanja koja odražava sadašnju tržišnu procjenu vremenske vrijednosti novca i rizike specifične za to sredstvo.

Ako je procijenjeni nadoknadiivi iznos sredstva manji od knjigovodstvenog iznosa, onda se knjigovodstveni iznos toga sredstva umanjuje do nadoknadiivog iznosa. Gubici od umanjenja vrijednosti priznaju se odmah kao rashod, osim ako sredstvo nije zemljište ili zgrada koje se ne koristi kao investicijska nekretnina koja je iskazana po revaloriziranom iznosu, u kojem slučaju se gubitak od umanjenja iskazuje kao smanjenje vrijednosti nastalo revalorizacijom sredstva.

Kod naknadnog poništenja gubitka od umanjenja vrijednosti, knjigovodstveni iznos sredstva povećava se do revidiranog procijenjenog nadoknadiivog iznosa toga sredstva, pri čemu veća knjigovodstvena vrijednost ne premašuje knjigovodstvenu vrijednost koja bi bila utvrđena da u prethodnim godinama nije bilo priznatih gubitaka na tom sredstvu (jedinici koja generira novac) uslijed umanjenja vrijednosti. Poništenje gubitka od umanjenja vrijednosti odmah se priznaje kao prihod, osim ako se predmetno sredstvo ne iskazuje po procijenjenoj vrijednosti, u kojem slučaju se poništenje gubitka od umanjenja vrijednosti iskazuje kao povećanje uslijed revalorizacije.

#### Nematerijalna imovina

Nematerijalna imovina početno se mjeri po trošku nabavke i amortizuje se linearno tokom procijenjenog vijeka upotrebe.

#### Preračunavanje stranih valuta

Transakcije u stranim valutama preračunavaju se u konvertibilne marke po službenom kursu CBBH na datum transakcije, koji odgovara tržišnom kursu. Monetarna imovina i obaveze iskazani u stranim valutama ponovno se preračunavaju na dan bilansa primjenom kursa važećeg na taj datum. Nenovčane stavke u stranoj valuti iskazane po fer vrijednosti preračunavaju se primjenom valutnog kursa važećeg na datum procjene fer vrijednosti. Nenovčane stavke u stranoj valuti iskazane po historijskom trošku se ne preračunavaju ponovno na datum izvještajnog perioda. Dobici i gubici proizašli iz promjena u kursevima valuta uključuju se u bilans uspjeha.

Banka vrednuje imovinu i obaveze po srednjem kursu CBBH na datum izvještajnog perioda, a koji je približan tržišnim kursevima. Kursevi valuta određeni od strane CBBH koji su korišteni u izradi bilansa stanja Banke na dan izvještavanja su sljedeći:

<b>31. decembar 2015.</b>	1 EUR = 1,95583 KM	1 USD = 1,790070 KM	1 KWD = 5,845585 KM
<b>31. decembar 2014.</b>	1 EUR = 1,95583 KM	1 USD = 1,608413 KM	1 KWD = 5,389500 KM

#### Rezervisanja

Rezerviranja se priznaju ako Banka trenutno ima pravnu ili izvedenu obavezu kao posljedicu događaja iz prošlog perioda, ako postoji vjerovatnoća da će Banka morati podmiriti navedenu obavezu i ako pouzdano može biti određen iznos te obaveze.

## Napomene uz finansijske izvještaje za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

---

### 3. TEMELJ ZA PREZENTIRANJE I SAŽETAK RAČUNOVODSTVENIH POLITIKA (NASTAVAK)

#### **Rezervisanja (nastavak)**

Iznos priznat kao rezervisanje je najbolja procjena naknade koja je potrebna za podmirenje sadašnje obaveze na datum izvještajnog perioda, uzimajući u obzir rizike i neizvjesnosti obaveza. Gdje su rezervisanja mjerena pomoću novčanih tokova koji se procjenjuju za podmirenje sadašnjih obaveza, njihov knjigovodstveni iznos je sadašnja vrijednost tih novčanih tokova. Rezervisanja se ukidaju samo za one troškove za koje je rezervisanje izvorno priznato. Ako odljev ekonomskih koristi za podmirenje obaveza više nije vjerovatan, rezervisanje se ukida.

#### **Kapital i rezerve**

##### ***Dionički kapital***

Dionički kapital obuhvata uplaćene redovne i prioritetne dionice i izražava se u KM po nominalnoj vrijednosti.

##### ***Regulatorne rezerve za kreditne gubitke***

Regulatorne rezerve za kreditne gubitke priznaju se u skladu s propisima FBA. Regulatorne rezerve za kreditne gubitke nisu raspodjeljive.

##### ***Zadržana dobit***

Dobit za godinu nakon raspodjele vlasnicima i izdvajanja za ostale rezerve raspoređuje se u zadržanu dobit.

##### ***Revalorizacijske rezerve za nekretnine***

Revalorizacijske rezerve za nekretnine obuhvaćaju kumulativne učinke povećanja knjigovodstvene vrijednosti nekretnine koje proizlaze iz revalorizacije istih.

##### ***Revalorizacione rezerve za ulaganja***

Revalorizacione rezerve za ulaganja uključuju promjene u fer vrijednosti finansijske imovine raspoložive za prodaju.

##### ***Dividende***

Dividende na redovne dionice priznaju se kao obaveza u periodu u kojem su odobrene od strane dioničara Banke.

##### ***Zarada po dionici***

Banka objavljuje osnovnu i razrijeđenu zaradu po dionici.

Osnovna zarada po dionici računa se dijeljenjem dobiti ili gubitka tekućeg perioda namijenjenih redovnim dioničarima Banke ponderisanim prosječnim brojem redovnih dionica u opticaju tokom perioda.

Tokom 2014. i 2015. godine nije bilo efekata razrjeđivanja.

### 4. ZNAČAJNE RAČUNOVODSTVENE PROCJENE I KLJUČNI IZVORI PROCJENE NEIZVJESNOSTI

U primjeni računovodstvenih politika Banke, koje su objašnjene u Napomeni 3., Uprava je obavezna da prosudi, procjeni i pretpostavi knjigovodstvenu vrijednost imovine i obaveza koje se ne mogu izvesti iz ostalih izvora. Procjene i povezane pretpostavke se temelje na ranijem iskustvu i ostalim faktorima koji su uzeti u obzir kao relevantni. Stvarni rezultati mogu se razlikovati od procijenjenih.



## Napomene uz finansijske izvještaje za godinu koja je završila 31. decembra 2015.

*(svi iznosi su iskazani u hiljadama KM, osim ukoliko nije drugačije naznačeno)*

### 4. ZNAČAJNE RAČUNOVODSTVENE PROCJENE I KLJUČNI IZVORI PROCJENE NEIZVJESNOSTI (NASTAVAK)

Procjene i temeljne pretpostavke se stalno revidiraju. Izmjene knjigovodstvenih procjena priznaju se u periodu izmjene ukoliko se odnose samo na taj period, ili u periodu izmjene i budućim periodima ukoliko izmjena utiče na tekući i buduće periode.

#### **Ključni izvori procjene neizvjesnosti**

Ključne pretpostavke vezane za budućnost i ostale ključne izvore procjene neizvjesnosti na datum izvještajnog perioda, koje nose značajan rizik uzrokovanja materijalnog usklađenja knjigovodstvene vrijednosti imovine i obaveza u okviru naredne finansijske godine su slijedeće.

#### ***Vijek trajanja nekretnina i opreme***

Kao što je objašnjeno u Napomeni 3., Banka preispituje procijenjeni vijek trajanja nekretnina i opreme na kraju svakog godišnjeg izvještajnog perioda.

#### ***Gubici od umanjenja vrijednosti kredita i potraživanja***

Kao što je opisano u Napomeni 3., Banka ocjenjuje pokazatelje umanjenja vrijednosti kredita i potraživanja i njihov uticaj na procijenjene buduće tokove iz kredita i potraživanja.

#### **Gubici od umanjenja vrijednosti kredita i potraživanja i rezervisanja za izvanbilansnu izloženost**

Banka kontinuirano prati kreditnu sposobnost svojih komitenata. Potreba za umanjenjem vrijednosti bilansne i izvanbilansne izloženosti Banke kreditnom riziku, procjenjuje se mjesečno. Gubici od umanjenja vrijednosti uglavnom se priznaju u odnosu na knjigovodstvenu vrijednost kredita pravnim osobama i građanima, te kao rezervisanja za obaveze i troškove koje proizlaze iz izvanbilansne izloženosti komitentima, uglavnom u vidu neiskorištenih okvirnih kredita i garancija. Umanjenja vrijednosti se također razmatraju za kreditnu izloženost bankama te za ostalu imovinu koja se ne vodi po fer vrijednosti te gdje primarni rizik umanjenja nije kreditni rizik.

Vezano za finansijsku imovinu koja se vodi po amortizovanom trošku, Banka najprije procjenjuje postoji li objektivan dokaz o umanjenju vrijednosti zasebno za imovinu koja je pojedinačno značajna i grupno za imovinu koja nije pojedinačno značajna.

Kod procjene kolektivnog umanjenja vrijednosti, razmatraju se sljedeće opšte smjernice:

- budući novčani tokovi za homogeni segment/grupu proizvoda se procjenjuju na osnovu iskustva o istorijskom gubitku za imovinu sa sličnim karakteristikama kreditnog rizika;
- informacije o stopama istorijskog gubitka se primjenjuju konzistentno na definisane homogene segmente/grupe;
- iskustvo o istorijskom gubitku se prilagođava na temelju trenutnih podataka koji se mogu promatrati tako da je konzistentno s tekućim uslovima;
- metodologija i pretpostavke korištene za procjenu budućih novčanih tokova se redovito revidiraju, i po potrebi ažuriraju.

Kao što je objašnjeno u nastavku, Banka također izračunava rezervisanja u skladu sa propisima FBA, uz procjenu umanjenja vrijednosti u skladu sa MSFI. Rezervisanja izračunata u skladu sa propisima FBA, Banka ne priznaje u svojim knjigama, nego one čine osnovu za izračun adekvatnosti kapitala, a u prethodnim godinama i osnovu za alokaciju u neraspodjeljive rezerve unutar kapitala i rezervi.

Napomene uz finansijske izvještaje  
za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

**4. ZNAČAJNE RAČUNOVODSTVENE PROCJENE I KLJUČNI IZVORI PROCJENE NEIZVJESNOSTI (NASTAVAK)**

**Ključni izvori procjene neizvjesnosti (nastavak)**

**Gubici od umanjenja vrijednosti kredita i potraživanja (nastavak)**

Regulatorna rezervisanja izračunata u skladu sa propisima FBA

Za potrebe ocjene adekvatnosti kapitala i priznavanja rezervi za kreditne gubitke formirane iz dobiti u kapitalu i rezervama, u skladu sa lokalnim propisima i relevantnim propisima FBA, Banka također računa i rezervisanja u skladu sa tim propisima. Relevantni plasmani klasifikuju se u odgovarajuće grupe za potrebe FBA u skladu sa navedenim propisima ovisno o danima kašnjenja, finansijskom položaju dužnika i instrumentima osiguranja te rezervišu u skladu sa propisanim postocima rezervisanja.

Rezervisanja izračunata u skladu sa propisima FBA uključuju i specifična i opšta rezervisanja. Opšta rezervisanja se ponovo uključuju kao Tier 2 kapital u izračun adekvatnosti kapitala u skladu sa propisima FBA.

**Fer vrijednost finansijskih instrumenata**

Kao što je objašnjeno u Napomeni 31., Uprava koristi svoju prosudbu u odabiru odgovarajuće tehnike vrednovanja za finansijske instrumente koji ne kotiraju na aktivnom tržištu. Primijenjene su uobičajene tehnike vrednovanja koje koriste stručnjaci na tržištu. Finansijski instrumenti, osim kredita i potraživanja, i finansijske imovine koja se drži do dospijeca, vrednovani su korištenjem analize diskontovanog novčanog toka koja se temelji na potkrijepljenim pretpostavkama, gdje je to moguće, sa vidljivim tržišnim cijenama ili stopama. Procjena fer vrijednosti dionica koje ne kotiraju na tržištu kapitala uključuje neke pretpostavke koje nisu podržane od strane vidljivih tržišnih cijena ili stopa.

**5. KAMATA I SLIČNI PRIHODI**

	<u>2015.</u>	<u>2014.</u>
Kamate na kredite odobrene pravnim licima	9.503	10.770
Kamate na kredite odobrene fizičkim licima	1.221	1.388
Kamata na finasijsku imovinu koja se drži do dospijeca	18	19
Kamate na plasmane kod drugih banaka	2	12
Kamata na plasmane kod CBBH	-	21
	<u>10.744</u>	<u>12.210</u>

**6. RASHODI OD KAMATA**

	<u>2015.</u>	<u>2014.</u>
Kamate na depozite pravnim licima	1.589	2.266
Kamata na sredstva Vlade FBiH	798	792
Kamate na depozite fizičkim licima	520	482
Kamate na kredite od finansijskih institucija	276	330
	<u>3.183</u>	<u>3.870</u>



Napomene uz finansijske izvještaje  
za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

**7. PRIHODI OD NAKNADA I PROVIZIJA**

	<u>2015.</u>	<u>2014.</u>
Naknade po platnom prometu	464	636
Naknade po vanbilansnim poslovima	461	583
Komisioni poslovi	99	200
Naknade od konverzija	36	36
Ostali prihodi od naknada i provizija	7	7
	<u>1.067</u>	<u>1.462</u>

**8. OSTALI (GUBICI) / DOBICI, NETO**

	<u>2015.</u>	<u>2014.</u>
Umanjenje vrijednosti dionica Privredne banke Sarajevo d.d. Sarajevo	(1.628)	-
Pozitivne kursne razlike, neto	117	253
	<u>(1.511)</u>	<u>253</u>

**9. TROŠKOVI ZAPOSLENIH**

	<u>2015.</u>	<u>2014.</u>
Neto plate	1.217	1.238
Porezi i doprinosi	750	759
Naknada za topli obrok i prevoz	237	237
Ostalo	278	165
	<u>2.482</u>	<u>2.399</u>

Prosječan broj zaposlenih u Banci tokom godine koji je završila 31. decembra 2015 bio je 65., dok je 31. decembra 2015. bio je 66.

**10. OSTALI ADMINISTRATIVNI TROŠKOVI**

	<u>2015.</u>	<u>2014.</u>
Troškovi usluga	402	413
Članarine	309	301
Održavanje	204	159
Reklama i reprezentacija	198	151
Troškovi energije	121	136
Porezi i doprinosi	105	170
Naknade članovima Nadzornog odbora i Odbora za reviziju	84	113
Telekomunikacije	79	79
Troškovi materijala	72	64
Osiguranje	37	36
Ostali troškovi	324	197
	<u>1.935</u>	<u>1.919</u>

Napomene uz finansijske izvještaje  
za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

**11. UMANJENJA VRIJEDNOSTI I REZERVISANJA**

	Napomena	2015.	2014.
Umanjenje vrijednosti plasmana kod drugih banaka	16	1.209	1.159
Umanjenja vrijednosti kredita, neto	17	(971)	3.454
Dodatna rezervisanja za potencijalne i preuzete obaveze, neto	25	(191)	187
Umanjenje / (otpuštanje umanjjenja) vrijednosti ulaganja	18	-	(65)
		<b>47</b>	<b>4.735</b>

**12. POREZ NA DOBIT**

Ukupan porez se priznaje u izvještaju o bilansu uspjeha i može se prikazati kako slijedi:

	2015.	2014.
Tekući porez na dobit	269	357
Odgođeni porez na dobit	-	-
	<b>269</b>	<b>357</b>

Usklađenje oporezive dobiti iskazane u poreskom bilansu sa računovodstvenom dobiti može se prikazati kako slijedi:

	2015.	2014.
Dobit prije poreza na dobit	2.401	489
Porez na dobit po stopi od 10%	240	49
Efekti nepriznatih rashoda	29	308
Tekući porez na dobit	<b>269</b>	<b>357</b>
Efektivna stopa poreza na dobit	<b>11,20%</b>	<b>73,01%</b>

**13. ZARADA PO DIONICI**

	2015.	2014.
Neto dobit	2.132	132
Manje: Dividenda za prioritetne dionice	(342)	(342)
	<b>1.790</b>	<b>(210)</b>
Ponderisani prosjek dionica za izračunavanja osnovne zarade po dionici	164.699	162.014
Osnovna zarada / (gubitak) po dionici (u KM)	<b>10,87</b>	<b>(1,29)</b>



Napomene uz finansijske izvještaje  
za godinu koja je završila 31. decembra 2015.

(svi iznosi su iskazani u hiljadama KM, osim ukoliko nije drugačije naznačeno)

14. NOVAC I NOVČANI EKVIVALENTI

	<u>31. decembar 2015.</u>	<u>31. decembar 2014.</u>
Sredstva na tekućem računu kod CBBH	30.396	11.161
Novac u blagajni – domaća valuta	351	457
Novac u bankomatima	127	163
Novac u blagajni – strane valute	76	209
	<u>30.950</u>	<u>11.990</u>

Novac i novčani ekvivalenti se očekuju da budu vraćeni u roku od dvanaest mjeseci nakon datuma izvještajnog perioda.

15. OBAVEZNA REZERVA KOD CENTRALNE BANKE BOSNE I HERCEGOVINE

	<u>31. decembar 2015.</u>	<u>31. decembar 2014.</u>
Posebna rezerva po članu 42 a. Zakona o bankama	24.073	11.686
Obavezna rezerva kod CBBH	8.634	9.358
	<u>32.707</u>	<u>21.044</u>

U skladu sa Zakonom o bankama (član 42 a.), ako prima uplate sredstava javnih prihoda i budžetske depozite, ili obavlja platne transakcije za budžete i vanbudžetske fondove, Banka je dužna po završetku radnog dana 50% dnevnog stanja tih sredstava držati u novčanom obliku kao posebnu rezervu na računu obavezne rezerve kod CBBH. Navedeno tretira sredstva i platne transakcije komitenata: Agencija za vodno područje rijeke Save, Općina Stari Grad, Općina Centar, Općina Novo Sarajevo, Ministarstvo finansija FBiH, te Federalni zavod za penzijsko – invalidsko osiguranje, čijih je 50% sredstava na dan 31. decembra 2015. godine iznosilo 24.073 hiljade KM.

Minimalna obavezna rezerva izračunata je kao procenat od prosječnog stanja primljenih depozita i pozajmljenih sredstava za svaki radni dan tokom prethodnih 10 kalendarskih dana držanja obaveznih rezervi. Stope minimalne obavezne rezerve su iznosile 10% od ukupnih kratkoročnih depozita i kredita i 7% od ukupnih dugoročnih depozita i kredita.

Kamatna stopa na sredstva obavezne rezerve iznosila je 0,00% (2014.: 0,00% do 0,147%), a na sredstva iznad obavezne rezerve 0,00% (2014.: 0,00% do 0,189%). Novčana sredstva držana kao obavezna rezerva na računu kod CBBH nisu dostupna za korištenje bez specijalnog odobrenja CBBH i FBA.